



UNIVERSITI TEKNIKAL MALAYSIA MELAKA

**SURAT EDARAN PENTADBIRAN
BILANGAN 6 TAHUN 2012**

**PELAKSANAAN SISTEM e-KLINIK
BAGI KEMUDAHAN RAWATAN PERUBATAN
DI KLINIK PANEL
UNIVERSITI TEKNIKAL MALAYSIA MELAKA**

Pejabat Pendaftar
10 Februari 2012

Disalinkan kepada:

Naib Canselor
Timbalan Naib Canselor (Akademik dan Antarabangsa)
Timbalan Naib Canselor (Penyelidikan dan Inovasi)
Pegawai-Pegawai Kanan

UNIVERSITI TEKNIKAL MALAYSIA MELAKA

UTeM.02.05.03/100-3/2/3(6)

10 FEBRUARI 2012

SURAT EDARAN PENTADBIRAN BIL. 6/2012

PELAKSANAAN SISTEM e-KLINIK

BAGI KEMUDAHAN RAWATAN PERUBATAN DI KLINIK PANEL

UNIVERSITI TEKNIKAL MALAYSIA MELAKA

1.0 TUJUAN

Surat Edaran Pentadbiran ini bertujuan untuk memaklumkan kepada pengetahuan semua staf Universiti Teknikal Malaysia Melaka (UTeM) mengenai pelaksanaan sistem e-Klinik bagi kemudahan rawatan perubatan di Klinik Panel Universiti Teknikal Malaysia Melaka (UTeM).

2.0 LATAR BELAKANG

2.1 Pada masa ini pihak pengurusan Universiti telah pun melantik sebanyak 42 buah Klinik Panel bagi tujuan rawatan pesakit luar dan 5 buah klinik Panel Pergigian bagi rawatan pergigian. Pelantikan Klinik Panel (Swasta) ini bertujuan untuk memberikan kemudahan perubatan kepada staf Universiti ini bagi mendapatkan rawatan selaras dengan Perintah Am Bab F (Perubatan) selain daripada kemudahan perubatan yang disediakan oleh klinik/hospital kerajaan.

2.2 Justeru itu, bagi memastikan perkhidmatan kemudahan perubatan di Klinik Panel yang dilantik dapat dilaksanakan dengan efisien dan berkesan, maka pihak Universiti melalui Bahagian Pengurusan Organisasi, Pejabat Pendaftar dengan kerjasama Pusat Komputer telah membangunkan satu sistem e-Klinik yang akan digunakan oleh semua Klinik Panel yang telah dilantik bagi memberikan rawatan sebagai pesakit luar kepada staf UTeM dan tanggungan yang layak. Pelaksanaan sistem e-Klinik ini bertujuan untuk memberi kemudahan kepada staf dan tanggungan untuk berurusan bagi mendapatkan rawatan di Klinik Panel yang dilantik.

3.0 PELAKSANAAN

3.1 Sehubungan itu, semua staf UTeM hendaklah mengemaskini maklumat peribadi dan tanggungan staf di Bahagian Pengurusan Sumber Manusia (BPSM), Pejabat Pendaftar bagi memastikan proses untuk mendapatkan rawatan dan pendaftaran di Klinik Panel berjalan lancar tanpa sebarang masalah. Sekiranya staf gagal berbuat demikian, maka pihak Universiti tidak akan bertanggungjawab seandainya staf dan tanggungan yang layak gagal untuk mendapatkan rawatan di Klinik Panel UTeM disebabkan kegagalan staf tersebut untuk mengemaskini maklumat diri dan tanggungan yang layak di dalam Sistem Maklumat Sumber Manusia (SMSM).

3.2 Oleh yang demikian, staf dan tanggungan yang layak, yang ingin mendapatkan rawatan di Klinik Panel yang dilantik oleh pihak Universiti, **tidak perlu lagi membawa Buku Rawatan Klinik Panel**. Staf atau tanggungan staf yang layak hanya perlu **membawa Kad Pengenalan/Kad Matrik Staf/Kad Pengenalan tanggungan sendiri bagi tujuan pengesahan staf atau tanggungan** di Klinik Panel yang dilantik oleh Universiti.

3.3 Oleh itu, Surat Edaran Pentadbiran Bil. 14/2010 bagi Perkara 3.(iv) dan Surat Pekeliling Pentadbiran Bil. 2/2009 bagi perkara 3.2 yang menyebut *“Diwajibkan membawa Buku Rawatan semasa mendapatkan rawatan di Klinik Panel”* adalah **dibatalkan**.

4.0 TARIKH KUAT KUASA

Surat Edaran Pentadbiran ini berkuat kuasa mulai dari tarikh ianya dikeluarkan dan hendaklah dibaca bersama-sama dengan Surat Edaran Pentadbiran Bil. 31/2011, Surat Edaran Pentadbiran Bil. 14/2010 dan Surat Pekeliling Pentadbiran Bil. 2/2009.

Sekian, terima kasih.

“KOMPETENSI TERAS KEGEMILANGAN”

Saya yang menurut perintah,



HASAN BIN SIRUN

Pendaftar

/ukp